



有心書偈句  
經義為人開  
還望加持力  
文思相應來

讀無量壽經絕句(序)

三寶弟子

黃文政  
敬撰

法會聖眾第一

六道人間走幾回  
今生不敢再徘徊  
得聞佛法緣殊勝  
聖眾萬千菩薩來

德遵普賢第二

此諸菩薩量無邊  
咸願遵修法普賢  
為度眾生歸極樂  
一時雲集世尊前

大教緣起第三

佛現毫光映廣庭  
矜憐三界濟含靈  
眾生欲得真實利  
今說因緣當諦聽

法藏因地第四

寧棄國王作比丘  
惟求菩薩道中修  
如來為證發宏願  
度眾之心堅不休

至心精進第五

兀兀窮年菩薩道  
繫思何境是瀛洲  
時經五劫見通達  
直指人心空自囚

發大誓願第六

法藏發心度十方  
無邊功德立真常  
光明照徹三千界  
最勝應歸大願王

必成正覺第七

花雨繽紛願感天  
當成正覺樹常然  
爾時聞號無量壽  
一切有情殊勝緣



積功累德第八

法藏比丘行有恆  
敬尊三寶護明燈  
修持功德匯如海  
欲證菩提如是憑

圓滿成就第九

修行功德量無窮  
誓願圓成三界雄  
佛國已然名極樂  
光明遍及十方中

皆願作佛第十

往昔師徒今再逢  
座前聞法帶歡容  
發心作佛如法藏  
供養師尊尤敬恭

國界嚴淨第十一

清淨莊嚴無四時  
黃金美玉寶珍奇  
西方淨土依何佳  
功德威神合力持

光明遍照第十二

無量光威徹十方  
超乎日月佛中王  
此光殊勝難思議  
垢滅善生相益彰

壽眾無量第十三

如來國土廣無邊  
極目神通看不穿  
縱使天人亦無數  
莫知仙壽幾多年

寶樹遍國第十四

琳瑯寶樹各參差  
諸寶互為根幹枝  
金石鏗鏘自相和  
如來國度豈夢思

菩提道場第十五

寶樹菩提萬里擎  
微風拂葉妙音生  
何能度眾六根徹  
極樂佛陀威願成



堂舍樓觀第十六

佛居明妙自然成  
聖眾讀經歡喜行  
著處修行從所願  
依因得果各前程

泉池功德第十七

寶池功德水呈祥  
種種音聲妙法揚  
聞者善根並相應  
發心成佛廣資糧

超世希有第十八

極樂眾生一類同  
光顏容色十方崇  
佈施供養威神力  
盡在彌陀大願中

受用具足第十九

福德無窮智慧明  
食衣居所妙天成  
一心稱念生淨土  
如是資糧隨有情

德風華雨第二十

德風徐起送清香  
出五音聲冠十方  
花雨亦隨行佛事  
繽紛周遍泛榮光

寶蓮佛光第二十一

寶蓮光色那由他  
無盡重重現佛陀  
化佛當中宣妙法  
大悲心願引娑婆

決證極果第二十二

極樂莊嚴無日月  
資糧具足普光迎  
為山九仞再三簣  
信願持名從佛行

十方佛讚第二十三

殊勝法門無量尊  
佛光功德潤乾坤  
十方諸佛齊稱讚  
安得不修三福根



三輩往生第二十四

功夫得力辨高低  
隨己修行各往西  
見佛豈分上中下  
惟乎專念向菩提

往生正因第二十五

憶念受持竭所能  
西天之道比長征  
因行各異修佛果  
生彼國中皆大乘

禮供聽法第二十六

菩薩登門合問津  
彌陀微笑現金身  
樂聞佛法得清淨  
咸發菩提心度人

歌嘆佛德第二十七

往生菩薩念師尊  
歌嘆十方諸佛恩  
承佛威神方得報  
還須相續善修根

大士神光第二十八

洞徹未來知古今  
十方無礙照人心  
諸多菩薩誰第一  
大勢至和觀世音

願力宏深第二十九

欲度十方諸眾生  
大乘菩薩願深宏  
被弘誓鎧入生死  
從佛轉輪身力行

菩薩修持第三十

雙修定慧顯威神  
真實了然根本因  
自覺覺他功德滿  
彼諸菩薩那依人

真實功德第三十一

菩薩修持見斷疑  
法音雷震破迷思  
無窮功德蒙佛讚  
接引眾生真導師



壽樂無極第三十二

依正莊嚴皆自然  
西天壽樂俱無邊  
求生彼國當精進  
莫受娑婆事所牽

勸諭策進第三十三

為心驅使總無知  
穢濁娑婆千古悲  
騁欲負經沉苦海  
不修今世待何時

心得開明第三十四

生死輪迴若杖笞  
世尊明誨必無疑  
今能聞法除茅塞  
宜更精修夙夜持

濁世裏苦第三十五

濁世群生莫逆天  
正心誠意遠深淵  
自身福禍無人代  
唯恐三途現眼前

重重誨勉第三十六

因果相生誰最憐  
不休生死苦顛連  
能離惡趣先作善  
只許端心行以專

如貧得寶第三十七

佛語諄諄不敢違  
如貧得寶洗心扉  
自相約檢持經戒  
蒙度今生淨土歸

禮佛現光第三十八

世尊與共顯威神  
終見彌陀廣大身  
無量光明普天照  
莊嚴種種果為真

慈氏述貝第三十九

得見莊嚴清淨城  
又聞無量妙音聲  
自然國度今親見  
教眾除疑信直生



邊地疑城第四十

道止西天國界邊  
只因疑惑智未全  
無功無德無三寶  
待證徒留五百年

憨叢貝佛第四十一

錯把人天當淨土  
不知福報剎那無  
直須明信諸佛智  
爭得出離三界途

菩薩往生第四十二

具足因緣何處棲  
十方菩薩欲歸西  
當生淨土不勝數  
我等凡夫思看齊

非是小乘第四十三

念佛法門當服膺  
阿彌陀佛至心稱  
世尊金口親宣說  
如是之人非小乘

受菩提記第四十四

晝夜思惟無量尊  
積功存德報師恩  
昔時蒙佛來授記  
庶竭今生彰法門

獨留此經第四十五

因緣滅盡法難還  
獨見此經留世間  
不畏受持值多難  
火燒三界亦何患

勤修堅持第四十六

師尊付囑耳邊留  
念佛尤當老實修  
弘法利生從佛說  
阿彌陀佛一心求

福慧始聞第四十七

輪迴三界幾時休  
勸向西方莫自囚  
萬法歸宗安樂國  
世尊明誨掛心頭



聞經獲益第四十八

得聞佛法淨塵翳  
方始發心羞動搖  
三界途中無你我  
同生極樂在今朝

讀無量壽經絕句(跋)

三寶弟子

黃文政  
敬撰

非佛威神力  
那能三月成  
發心來供養  
教我善根生

